

temma om jõudnu, omma oymise läbbi tige tarkuse määrale lähüneda. —

Kui suren uniwersiteti majjan sel päiwal pühha olli ärrapetu, sis läts kiik koggodus lõunapiddule, kos kiik ne mehhe, kea noren eon surekoli pääl olliwa koon olnu nink sõbralikult üts tõisega läbbikäinu, ent päle to mitto ja mitto ajjastiga suggute es olle kokkoputnu, nänd üts tõist waunan ean nink hällin hiinsin jälle nätta saiwa nink sest kokkotullemisest sõamest rõemustiwa. Nink kunnä nemma henda sest wõiwa fitta, et nemma sedda tarkust, mes nemma Tarto surenkolin õmma lõidnu, häste õmma pruuknu nink paljo üts tõisele wõiwa juttustada sest õnsusest, minka Jummal neide tööd nink waiwa om õnnistanu, sis tabhame ka meie neide rõemfasi kokkotullemisest nink lustilikust lõunapiddust neidega rõemustada nink neidega üttelišt waimun jodawawina klasi kokkolüwwa nink hõigata: Jummal õnnistago Keiserit!

Seni om õddang kätte tulnu nink pimmedus kattap maad nink ilma ümberjõri, muud kui Tarto lina ulitsin om õsel päiwalalgus nätta, ni et eggauitte innemist, ke wasta jõhhus tulleswat, káwwest ärratõnnet. Kiik liin õrretap tullekirren nink kiik lina koddaniko pandwa rõemuga aknide pääl küünlid pallama sel uniwersiteti rõemopäiwal, sest uniwersitet õnnap neile leiba nink uniwersiteti läbbi om Tarto liin tutwa nink kuulsa ülle tige Bennerigi nink ülle temma piri ka kaugele male. Sepárrast pallawa lambi, lamp lambi kõrwal, tuhhande-kauya ratuse pääl nink ratuse ümber, alt treppist torni otsani, nink kiik majja turru pääl allumest kõrrast päälmetse kõrrani nink kiikwisild olliwá nidade tullelampega wäljaehhitetu, et üts mamees, ke henda laulomehhes fittap, sest asiast kirjut: „Sel kõrral liin ni walge nái, kui kirri lugge wõis.“ Se rõemustaw nink ubhe tulleswalgus ülle tige lina piddi õtse kui tõiistust

andma sest, et kiik Tarto liin hiisgaw nink õrretap tarkuse walgusest, mes om wäljakállatu ulitside päle, kos eggauits targaste omme jalgu wõip säeda, et ta kõrwale ei astu nink pimmedusea hukka ei lá.

Ent nätsse! mes ta sárane om, mes kallaturrust jõgge mõda kiikwisilla pole liguy nink säält kurra kát ratuse pole üllestánap ni kui üts tulleswolas, rahwasum kui must joon siisen? Ne õmma ne tuddenti, kea parhilla weel uniwersiteti pääl opman õmma, nink suur parw wannu mehhi sean, kea omman noren ean ka tuddenti õmma olnu. Nemma tulleswa parina, paar sadda tulleswaklit mõllembil polel, ommale alnamaterile, se om uniwersitetile, kui omma kasjuemmale nink üllespidajale, rõemfat tennolaulo laulma. Turru päält kánap tuddentide parw tulleswaksidega hääd kát siisse nink jääp sure uniwersiteti majja eon saisma. Uniwersiteti majja eon páliwa 1852 tullelampi nink táhhendiwa seddawissi jooskwa ajjastaja arwo, nink lampe eon olli üts malitu pilt kiinnitetu, kost tulli ni kui klasišt läbbipaisise, et kiik selgeste nátta olli, mes sinna päle olli malitu. Sääl saís üts raudrõiwaga kattetu neitsi, raudtõbbar pään, hään káen raudotsaga odda, kurran káen kilp, nink temma ümber mitmasuggutse nõu-riista, mes kirjanõudjile nink tarkule neide süggawa juurdlemise man wajja om, nink neide ülle langley Bennerigi kátte pága aadler wäljalootetu siwuga nink taiwast paistap päiwlik omme hiisgawa kuldjoniga päle. Se neitsi táhhendap wanná Kreka nink Roma rahwa wisi párra tarkuse jummaliko kuuju nink se pildi läbbi selletetas árra, et Bennerigi Keiseri wallitusse al tarkus rikkalikult nink rahholikult esap nink wõip omma asja ajjada jummaliko tõisiduse walguse al. Kui tuddentide parw pildi ette saisma jái, sis láts üts wággew laulohõlli ennamb kui poletuhhandest kelist taiwa pole ülles. Laulowiis olli pea ni kui terrikolaulowiis, siiski rut-